



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1735. usque ad annum 1737

**Fleury, Claude**

**Augustæ Vindelicorum [u.a.], 1786**

**VD18 90119347**

§. 31. Continuati Corsorum tumultus.

---

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

Sæc. XVIII. fuisse factum, Episcopum vero Padi-  
 A. C. 1735. viensem duntaxat præcepisse, ut Pat-  
 norum Lutheranorum nomina Bapti-  
 mali libro non inscriberentur, sed tan-  
 tum *ut testes* admitterentur, & æditur  
 Patrinorum loco responderet, ejusque  
 nomen præfato infereretur libro: al-  
 ram vero criminationem diluit, oste-  
 dendo, quod Imperator his emigran-  
 bus ad eorum petitionem transitus præ-  
 stationem clementissime remisit.  
 autem fors (quod tamen ignorat)  
 Wildensteinensis Prætor eam exegit,  
 immerito Lutherani quererentur, quia  
 jure omnibus communi ex migran-  
 subditorum ejusmodi præstatio Præ-  
 pi debetur &c.

## §. XXXI.

*Continuati Corsorum tumultus.*

Insuperhabita conventionem anno præ-  
 cum Genuensibus, sponsore ipso Cor-  
 sare inita Corsi hoc anno rebellio-  
 flammam latius foediusque propaga-  
 runt; præprimis ergo ductoribus Genu-  
 sto & Petro de Ornano Vescovati mun-  
 menta, ex quibus nuper deturba-  
 erant, rursus occuparunt, totamque  
 Bolognæ Provinciam suis armis subie-  
 cerunt: Nec in his auspiciis stetit Cor-  
 sorum

forum animositas ad excutiendum alicuius imperii jugum obfirmata; cum enim Genuensis Senatus Deputatos in Corsicam ablegaret, qui consuetum colligerent tributum, Corsi non modo hos ægris oculis aspiciebant, sed etiam Ruffinensis Vallis incolæ in eos, cum vim adhibere vellent, facto impetu unacum eorum militibus captos abducebant. Ea res summopere afflixerat Bastiæ Governatorem, qui novos hosce tumultus tempestive suppressurus cum trecentis præsidariis in Rebelles irruit, adverso tamen Marte pugnans cum omnibus suis impune captus est. Hoc successu Corsi animosiores facti Cortense castellum Mense Aprili obsidione cingunt, ac reportata inde præda longe pinguissima illud expugnant, pacta præsidariis vitæ gratia. Cum ergo Genuensibus omnia prorsus adversa fluerent, & aliunde seditiosis auxiliares cohortes & arma clam ab Hispanis submitti metuerent, hinc denuo Petrum Marcum Giustinianum, & Hugonem de Fuesco Legatos Mense Augusto ad rebellionis capita decrevere, qui cum eis de reddenda pace, novisque concordie articulis paciscerentur. Attamen horum suasionibus ferme nihil profectum, Genuenses enim de præteritis suis juribus parum remittere,

Sæc. XVIII.  
A. C. 1735.

Sæc. XVIII. voluerunt & Corsi omnem transactionem  
 A. C. 1735. respuerunt, nisi prævie omnia eis pri-  
 vilegia ac libertates redderentur, co-  
 ctisque Insulæ Episcopatibus indige-  
 præficerentur. Præterea petebant,  
 captis omnibus in libertatem affec-  
 quoddam armamentarium eorum  
 testati traderetur, & pacificationis  
 ticuli auctoritate & fide cujusdam  
 tentis Regis firmarentur: Has con-  
 tiones cum Genuensis Senatus nimis  
 asperas, minusque decentes fore  
 traretur, suos pariter Legatos re-  
 bat. Paulopost constante fama  
 fide dignorum sermone divulgatum  
 nil propius, certiusque esse, quod  
 quod Hispani laboranti Insulæ valde  
 suppetias mitterent: quapropter  
 nuensis Senatus nulla mora Joannem  
 Lucam Spinolam & Octavium Grim-  
 dium Oratores ablegavit, qui Cor-  
 æquiores concordiae leges proponere-  
 nec tamen horum magis prospera  
 pacificatio; Corsi enim in Reipublica  
 promissis tutam sibi fidem nunquam  
 fore rati, pristinis suis postulatis  
 mius insistebant, concepta ex in fide  
 quod quidam Hispanæ legionis Tri-  
 nus unacum pluribus inferioris gra-  
 Centurionibus tum ad eorum castra  
 transfiret, ac quingentos Scylos ad  
 veheret: Inde Corsi ampliora sibi po-  
 licia

liciti, in pluribus locis Hispani Regis Sæc. XVIII.  
 vexilla erigunt, Orticone Canonico A. C. 1735.  
 Madritum misso, Regis opem implo-  
 rant, fuzæque Insulæ dominium eidem  
 offerunt. Cum autem ea tum esset  
 temporum iniquitas, ut alienis novis-  
 que turbis sese ingerere, haud consul-  
 tum censerent Hispani, accepta repul-  
 sa Corsi excusso omni jugo proprium  
 Regnum erigere, novumque sibi, qui  
 illud gubernaret, Senatum constituere  
 decernunt: Eo fine viginti duas impe-  
 rii sui fundamentales leges sanciunt,  
 in supremum belli Imperatorem nomi-  
 nant Aittilium, qui inter Rebellionis ca-  
 pita ceteris rei militaris scientia præ-  
 stantior erat: Huic Senatores adjun-  
 gunt Cicaldum, Paolaum, Giasserium,  
 Fabianium, Arrighium & Costam,  
 Rivarolam vero militiæ Præfectum di-  
 cunt: Rebus ita constitutis bellum ad-  
 versus Genuenses velut capitales ho-  
 stes suos, omni vi & ferocia prosequ-  
 untur, ac quoscunque infausta fors eis  
 in manus dederat, vel ad ignominiam  
 vestibus exutos, nudosque per castra  
 raptant, aut in frustra concidunt; con-  
 tinuata rabie Polludellanam arcem ex-  
 pugnant, & quocunque demum hosti-  
 libus suis armis perrumpunt, omnia  
 ferro flammaque vastant, campanas in  
 belli tormenta fundunt, & mille selo-  
 pos

Sæc. XVIII  
A. C. 1735

pos cum ingenti plumbi ac pulveris nitrii copia ab exteris submissa in se distribuunt, ad unum omnes extremæque potius, quam Genuensium terrarum rannidem tolerare parati: Acuebant enim haud parum animorum asperitatem violentissimum in Corsos imperium Felicis Pinelli Gubernatoris, qui præterea officio amotus, die undecima Februarii non sine maxima indignatione Genuam reverti iussus est. Successerat eidem Paulus Joannes Bonifacio Rivarola, in quo magna erat lenitas mollisque ad deponendam offensivam indoles. Hic nullum non movit impetum, ut exasperatos Corsorum animos placaret, & precibus ac promissis ad saniora reduceret consilia. Voluit etiam non parum ad optati successus spem intestinum, quo inter se laborabant seditionis Coryphæi diffidius quod novus Gubernator in rem sua dextere vertit, & ex Primoribus nullos mirifice sibi conciliavit. Verum bene cæpta intempestiva evertit arrogantia Genuensium, qui si ad præsertim conditiones Corsorum respondere, dignarentur, suæ Majestati dignitatique plurimum derogatum iri celebant. Ea tum erat Corsicani tumultus facies usque ad annum sequentem quo ob restrictam Gubernatoris facultatem

tem Genuensium res in pejus ruebant, tantamque Bastiæ præfidiariis trepidationem ingerebant, ut extra arcis mœnia copias in aciem producere non auderent. Inde vero Corsorum animositas adeo excreverat, ut cum Rivarola Governatore acturi, duras admodum hæc concordiæ leges pro summo Imperio dictarent. I. Nullum aliud Genuensi Reipublicæ reliquum sit jus in Insulam, nisi ut ad exigenda consueta tributa, tuendam Incolarum libertatem, & ad dijudicandas capitales causas Protectores ablegare posset. II. Civiles causas cognoscendi jus, respubli- ca Genuensis remittat, utpote quas Senatus a Genuensi nullatenus dependens Bastiæ deinceps decidat. III. Inter utramque partem conveniatur, quot copias Respublica in Insula alere, ac quænam loca præfidiario suo milite munire intendat. Verum Genuenses, cum hæc pacta haud toleranda crederent, aliunde vero exteri Principis opem sibi polliceri non possent, habito suorum delectu armis obedientiam extorquere decrevere: Corsi autem rapido victoriarum cursu universam pene Insulam emensi munitissimam Campoloranam arcem expugnarunt, & Sancti Peregrini propugnaculum apposito quatuor milium agmine cinxerunt. Nil

Sæc. XVIII.  
A. C. 1735.

M 5

equi-

Sæc. XVIII. equidem intentatum reliquerat Riva  
 A. C. 1735. la Gubernator, ut infestos Corsorum  
 progressus sisteret; at ubi vel maximè  
 nervos, omnemque industriam  
 bellicum apparatus intendere  
 perat, novam faciem Corsicam  
 induebant; die enim quinta Apr  
 Bastia nuntiatum, Anglicano nav  
 ad Alerianum Corsicæ portum app  
 sum fuisse Principem, qui coccinam  
 gam pellibus mustelæ Scythicæ  
 tam indutus, ac duobus Adm  
 Secretario, Confessario aliisque  
 decim famulis stipatus decem ma  
 molis machinas bellicas, quater  
 sclopos, magnumque belli & frum  
 apparatus, nec non plures cistas  
 mis, & duobus ut fertur, millib  
 bus Thalerorum refertas secum att  
 Quo genere, qua domo, & patria  
 bilis hic Advena esset, diversa diver  
 rum erat opinio, alii Ragozzium Pr  
 cipem, alii primæ Nobilitatis Angli  
 a Prætendente emissum, alii Rip  
 dam vel Bonnevalium, aut famo  
 illum Alchymistam Baronem de Sybo  
 esse conjectabant: id magis certum  
 debatur, quod Religione Catholic  
 nomine Theodorus, patria Westph  
 lus, & ex stemmate de Neuhoff ort  
 esset. Hunc Corsicæ gentis Primor  
 summis honorum testificationibus et  
 cipis

Sæc.XVIII.  
A. C. 1735.

capiunt, primo excellentissimæ Domina-  
 tionis, postea Pro-Regis titulo decorant,  
 ac demum libero in campo Corsicæ Re-  
 gem eligunt, & viridi corona insigni-  
 niunt, præmissa tamen capitulatione,  
 quæ novemdecim articulos complectebatur,  
 ex quibus primus his verbis  
 conceptus erat: *Theodorus Baro de*  
*Neuhoff in Monarcham, primumque hujus*  
*Regni Regem electus sit, ea tamen lege, ut*  
*non modo ipse ad dies vitæ, sed & ejus*  
*posteri masculi, attenta natiuitatis lege,*  
*& ætatis ordine, & deficientibus masculis*  
*hæredibus, ejus Filicæ juxta præfatum or-*  
*dinem regnent, & omnes tamen in hoc solio*  
*succedentes Religioni Romano-Catholicæ*  
*sint addicti, & sicut præfatus Baro in*  
*Regno sedem figat, ita & illi. Quinto*  
 autem articulo decretum, ut Rex,  
 ejusque Successores ex Corsis fideliori-  
 bus ac dignioribus Assessores habeat vi-  
 ginti quatuor, quorum tres semper in  
 ejus Aula versentur, & sine eorum  
 consensu Rex nihil gravius tam circa  
 pacem quam bellum statuatur: Reliquis  
 articulis potissimum petebantur Genu-  
 enses, quos Rex proscriptis eorum bonis  
 toto Regno exesse jubeat, tributa &  
 exactiones imminuat, Academiam &  
 Ordinem Equestrem in Regno erigat,  
 ad honores & officia nonnisi Corsos  
 evehat, ac denique ultra mille ducen-  
 tos

Sæc. XVIII. A. C. 1735. tos milites externos ne introducat. & Quamprimum ergo personatus hic Regiminis sui comoediam sat lepidam exhibere cœperat, novos Comites Marchiones, & Barones, quibus præcipua Regni munia tribuerentur, creavit & quidem Comitum dignitate auctoritate Costam, Cefforium, Arighium, Fabianum, Jacobitomum, Taglionem & Castimettam: Marchiones vero dedit Matram, Giasserium, Aitellium, Paolium, rebellionis Coryphæos, & suo Rege haud impares Administratores ex ceteris Theodorus Equestrem constituit Ordinem, & ne quid Regiæ Majestatis juribus deesset, monetariorum facultate usus, & nummos aureos curavit fecit, quorum recta frons imaginem Regis cum hac epigraphe: *Theodorus Dei Gratia unanimi consensu electus Rex & Princeps Regni Corsici* præseferbat. in postica autem parte hoc lemma inscribatur: *Prudentia & industria vincunt tyrannos*: argentæ etiam monetæ condecebantur, in quarum adversa fronte erat corona tribus palmis intertexta in ejus medio literæ: T. R. in averfa autem facie hæc epigraphe: *Pro bono publico Corsico*: aliæ novæ ejusmodi monetæ erant signatæ effigie Beatæ Virginis sine labe conceptæ cum hac inscriptione: *Monstra te esse Matrem*: in

adversa autem parte hæc verba: *Theo-* Sæc. XVIII.  
*dorus Rex Corsicæ*, unacum hujus Reg- A. C. 1735.  
ni insignibus. Ita unica dies, ex re-  
bellionis ovo recens exclusit Regem,  
Comites, Marchiones, Senatores, &  
novam Majestatem.

## §. XXXII.

*Theodori scenici Regis Corsicani ef-  
figies a Genuensibus ad-  
umbrata.*

**I**nexpectata ignoti hujus Advenæ fa-  
ma Genuenses vehementer perculit;  
bellicus enim, quem secum advexerat,  
apparatus, ingens auri copia, & va-  
lidioris adhuc auxilii pollicitatio haud  
levem metum ac suspicionem ingesse-  
rat, hunc hominem, in Genuensis  
Reipublicæ excidium a potenti quodam  
Rege fuisse submissum: Ut ergo ab hac  
formidine nonnihil respirarent, sum-  
mam curam, studiumque adhibent, ut  
in hujus Viri cognitionem, & latentis  
consilii notitiam pervenirent: Nec se-  
dulæ inquisitioni defuit desiderata rela-  
tio; quippe acceptis undique literis  
compererunt, umbratilem hunc Re-  
gem nonnisi privatæ conditionis homi-  
nem, temerarium fortunæ affectato-  
rem, fraudibus totum ac fallaciis con-  
futum: